

KA GONA JESU

O TLILE GOMME A BITŠA



Mokgethwa Johane, ya 11 tema, go thoma ka ya 18 temana, ke rata go bala.

Bjale Bethania e be e le kgauswi le Jersusalem, e ka ba diseterata tše lesometlhano:

Gomme ba bantši ba Bajuda ba be ba tlile go Mareta le Maria, go ba homotša mabapi le ngwana wa bo bona.

Ka gona Mareta, ka pela ge a kwele gore Jesu o be a etla, o ile a ya gomme a mo gahlanetša: eupša Maria o be a dutše a homotše ka ntlong.

Ka gona Mareta a re go Jesu, Morena, ge nkabe o be le mo, ngwanešu wa ka a ka be a se a hwa.

Eupša ke a tseba, gore le bjale, eng kapa eng o ka tlogo go se kgopela. . . Modimo, Modimo o tla go fa sona.

Jesu a re go yena, Ngwaneno o tla tsoga gape.

Mareta a re go yena, ke a tseba gore o tla tsoga gape ka tsogong ka letšatši la mafelelo.

Jesu a re go yena, Ke nna tsogo, le. . . bophelo: yo a dumelago ka go nna, le ge a hwile, go le bjalo o tla phela:

Gomme mang le mang a phelago gomme a dumela go nna a ka se tsoge a hwa. A o dumela se?

Yena a re go yena, Ya, Morena: ke a dumela gore wena o Kriste, Morwa Modimo, yo a swanetšego go tla lefaseng. (Gomme hlokomela seo!)

Ka gona ge a boletše bjalo, a tloga ka tsela ya gagwe, gomme a bitša Maria kgaetšediagwe ka sephiring, a re, Mong o tlile, gomme o a go bitša.

² A re rapeleng. Tate wa Legodimong, tiišetša Mantšu ao dipelong tša rena, bošego bjo, ge re letetše Wena bjale. Lentšu la Gago, mohlanka wa Gago, le hlogotaba, ka moka di gafelwa go Wena, ka go la Jesu Kriste Leina. Amene.

Le ka dula.

³ Morero wa ka go ba mo ke go leka go thuša batho ba Modimo. E sego bontši kudu go rapela, le go bea diatla godimo ga balwetši, eupša gore ba lemoge Jesu Kriste ka magareng ga rena, Morwa wa Modimo magareng ga rena. Re bolela bošego bjo ka thuto ye: *Ka Gona Jesu O Tlile Gomme A Bitša.*

⁴ Bjale ka nako ye re bolelago ka yona, e be e le nako ya go nyama kudu. Ge o kile wa bala setori ka go bophelo bja Morena wa rena, re hwetša gore O be a le Mogwera yo mogolo go mošemane yo, Latsaro. O be a le . . . Ka morago ga go tloga ga Josefa, goba, o tlogile gomme a tla a dula le Mareta, Maria, le Latsaro. Gomme e be e le bagwera ba bagolo. Ba be ba na le . . . O be a le bjalo ka modiša go bona, wa—wa nnete mogwera. Gomme ba be ba Mo direla dilo tše nnyane tša go apara, jase go apara, ke a dumela, ba a tleleima, gomme e be e logilwe go kgabola ntle e se na le morumo. Gomme ka gona ba be ba Mo diretše dilo, ka gore ba be ba dumela go Yena. E be e le—ba be ba dumetše gomme ba bone seo. Ba be ba tlogetše kereke, le go ya pele, go Mo latela. Gomme seo e be e le selo se segolo ka letšatšing leo, se le bile kotlo ya sona e bego e kgona go ba lehu, go—go tloga go yona.

⁵ Eupša, Jesu, Mothaka yo a bego a e ya go dikologa bjalo ka ge ba be ba tleleima, a thuba dikereke tša bona, le go bolela selo se sebe ka moprista wa bona, le—le go ya pele, O be—O be a dirile tshenyo ye kgolo go bona, ba gopotše. Gomme—gomme le go Mmolela e be e tla go—go bewa ka ntle ga disenagoge. Gomme nako yeo ge o be o le ka ntle go tšwa go kereke, ba—ba be ba gopola gore o be o se na le—o se na le sebaka sa topollo. Ge o be o se yo motee wa karolobodumedi ya bona, bjalo ka Farasei, Sadutsei, goba selo se sengwe, fao go be go se topollo ge o be o le ka ntle ga yeo. Gomme ge ba be ba na le tokelo, dinotlelo, gomme ba be ba ka kgona go no go ragela ka ntle ge ba be ba nyaka go dira. Yeo e be e le polelo ya bona. Ga go makatše Jesu o rile, “Lena, ka setšo sa lena, le dirile Lentšu la Modimo la go se be le khuetšo.” Le a bona?

⁶ Gomme bjale e boeleditšwa gape, ka gore ka moka re a tseba histori e ipušetša ka boyona nako ye nngwe le ye nngwe. Gomme go—go a nyamiša go bolela, eupša e porofetilwe go boeletša, gomme e e dirile gape.

Re hwetša gore Jesu o be a sa gopolelwe gabotse.

⁷ Dinako tše ntši, batho ba nyaka go ahlola monna yo a sa dumelelanego le bona. Ga ra swanela go dira seo. Re ka kgona go se dumelelane seng yo motee le yo mongwe, go le bjalo ra ba le botho. Ge ke sa kgone go dumelelana le monna, gomme ke sa mo rata le go mo rapelela, gomme ke sa dumelelane le yena godi- . . . le yena godimo ga motheo wa Lengwalo, gomme le tshedimošo ye kaonekaone, gona nka se bolele selo go yena. Ka mehla ke nyaka go se dumelelane le yena, ka botho, ka gore ke a mo rata, gomme ka—ka nnete ga ke nyake a lahlega. Gomme o swanetše go dira selo se se swanago ka nna; ga re nyake go lahlega. Gomme re swanetše go thekga dikgopolo tša rena godimo ga se Lentšu le se bolelago. A Lentšu e be Therešo. E sego thutotumelo ya rena goba se dikgopolo tša rena, eupša se A se bolelago; e sego tlhathollo ya sephiri, feela se Lentšu le se boletšego.

⁸ Bošego bjo bongwe, ke dirile selo se sengwe gomme se be se bonagala se nyakile go ba nyefola, ke dumela gore e be e le difihlolong tša bodiredi mosong wo mongwe. Ke beile Jesu tekong. Ke rile, “Feela bjalo ka ge ba dirile nako yeo, ka fao ba a dira lehono.” Mohlomongwe e tla ba mo gabotse ge ke e bušetša feela lebakana, ge re na le nako. Bjale, ke rile, lehono re hwetša gore . . .

⁹ Ka go tsošološo ya Luther, o, ka nakong ya yeo, o boletše gore moloki o tla phela ka tumelo. “Monna yo a dumelelago, yo a nago le Yona.” Gomme re hwetša ba bantši ba bona ba boletše gore ba a dumela, gomme ba be ba se na le Yona.

¹⁰ Ka matšatšing a—John Wesley, ge ba bile le tšhegofatšo ya bobedi, ba e beditše, tlhwekišo, tlhwekišo yohle, ba ile ba thaba gomme ba goelela. “Yo mongwe le yo mongwe o be a goelela, o na le Yona.” Eupša ba hwetša gore ba be ba se na le Yona. Ba bantši ba bona ba be ba goelela, gomme ba be ba se na le Yona.

¹¹ Matšatši a Pentecost, ba rile, “Bjale pušetšo ya dimpho e tlile, kolobetšo ya Moya. Yo a bolelago ka maleme, o na le Wona.” Re hwetša gore ba bantši ba boletše ka maleme, gomme ba be ba se na le Wona.

¹² Ka fao ba re, “Go lokile, kenywa ya Moya, yeo ke ye O bego o le yona.” Oo, aowa, e sego go kenywa ya Moya. Saentshe ya Bokriste e na le woo, fao le ga tee . . . Lerato ke kenywa ya Moya. Ka gona, gomme ba na le lerato le legolo go feta mang kapa mang, gomme ba gana Bomodimo bja Jesu Kriste; ba no Mmitša moprofeta, monna wa mehleng feela. Le a bona? Ka fao seo ga se e dire.

¹³ A ke botšiše seo motsotso feela. A re tšeeng Jesu tekong. Gomme Modimo ntebalele ka setatamente se, go tšwa sefaleng, eupša ke ya go ba kgahlanong le Yena motsotso, feela go no le tlišetša Seetša. Le a bona?

¹⁴ “Bjale ke na le lena batho mo bošego bjo; ke bolela le lena. Ke be ke le morago ka go letšatši le lengwe ge Jesu wa Natsaretha a be a le lefaseng. Ke tla go lena, gomme go fana mabaka le lena kgahlanong le Mothaka yo, Jesu wa Nasaretha. Bjale ka moka re a tseba gore Modimo ke lerato. Beibele e bolela gore Ke lona. Ka moka gabotse, gomme lerato, Moya o ga le fele pelo, ke le bonolo, le na le kgotlelelo, le boleta, le go ya pele, le lerato. Bjale ke tla re, ke nyaka go le botšiša selo se sengwe. Re ya go tšea se—se re se tsebago, Mokriste.

¹⁵ “Lebelelang moprista yo wa go tšofala wa lena. Rakgolokhukhu-wa rakgolokhukhu-wa rakgolokhukhu-wa rakgolokhukhu wa gagwe e be e le moprista. O ile a swanela go tswalwa ka lelokong leo la Balifi, go ba moprista. Re a hwetša, bjale, ga a na le bophelo bja monna yo moswa go swana le bohle ba lena le dirile. O dira eng? O itira sehlabelo ka boyena, o godimo kua go ithuta Lentšu, Lentšu la Modimo. O ya go le

kgabola, mosegare le bošego, mosegare le bošego, o swanetše go tseba letere le lengwe le le lengwe la lona, lentšu le lengwe le le lengwe godimo ga sekorolo. O swanetše go le tseba ka pelo. O—o, feela selo se sengwe ka lona se a swanetšego go se tseba.

¹⁶ “Gomme ka gona, ntle le seo, ge tatago le mmago ba nyalana, ke mang a ba tlemagantšego mmogo bjalo ka monna le mosadi? Mopriska wa gago wa go tšofala wa bomodimo. Ke mang yo a tlilego go tatago ge a be a hloka gomme a be a kolota tšhelete polaseng ya gagwe, gore baadimi ba be ba e ya go e tšea? Ke mang yo a emego kgauswi le yena? Mopriska wa gago wa go tšofala wa go loka. Ke mang yo a bego a eme kgauswi le mmago ka kamoreng kua ge a be a go tswala? Mopriska wa go tšofala wa go loka. Ke mang a tlogo go wena ge o babja le go hloka? Mopriska wa gago wa go tšofala wa go loka. Ke mang yo a go go šegofatša le go go neela go Modimo, le go go bolotša ka letšatši la seswai? Mopriska wa gago wa go tšofala wa go loka. Ge tatago le mmago ba be ba le kgauswi le go hlala, ke mang a ba tlišitšego morago mmogo, a ba swara mmogo? Mopriska wa gago wa go tšofala wa go loka. Ge go le bothata ka tikologong, ke mang a bo hlokomelago? Mopriska wa gago wa go tšofala wa go loka. Nnete.

¹⁷ “Bjale moprista yo wa go tšofala wa go loka o tseba gore Beibele e boletše gore Modimo o nyaka kwana ya sehlabelo. Ba bantši ba lena le banna ba kgwebo, ka fao ga le rue dinku, go le bjalo Modimo o nyaka dinku. Ba dirile mašaka godimo kua, ba be ba rekiša dinku tša bona gore ba—ba banna ba kgwebo ba kgone go ya godimo le go e reka, go neela sehlabelo sa soulo tša bona, seo Modimo a se nyakago.

¹⁸ “Mothaka yo moswa yo o dirile eng, yo a bitšwago Jesu? O be a etšwa kae? Ba re O tswetšwe, ka tswalo ya kgarebe. Ke mang a kilego a kwa selo se sebjalo sa ditšiebadimo? Re a tseba mme wa Gagwe o bile le Yena pele yena le Josefa ba tswalwa, goba yena le Josefa ba nyalana, O be a tswetšwe. Bjale re hwetša gore O na le—O na le leina le lebe, sa mathomo.

¹⁹ “Ke karata efe ya kopanelo A nago nayo? Ge A be a le Monna wa bomodimo, ke sehlopha sefe A bego a tšoenane le sona? Ge moprista wa lena a be a ithuta, a ithuta, a ithuta, a ithuta, go tseba Lentšu lela; šo O tla go dikologa, o kgeilela fase se se agilwego godimo. A o ka bitša seo ‘Modimo’? Ka nnete aowa.

²⁰ “Bjale, letšatši le lengwe, ge moprista wa lena a dirile lefelo lela godimo kua, la . . . gomme la fao le ka kgonago go reka sehlabelo, mothaka yo moswa yo o dirile eng? Botho? O ba iteile, o beile dithapo mmogo, tše dingwe lehlaka le mekgopha, gomme a lebelela ntle godimo ga batho, ka pefelo; a ragela godimo ditafola tšela, gomme a ba itielala ka ntle ga fao. Gomme le bitša seo dikenywa tša Moya, a lebeletše godimo ga bona, ka pefelo? Gomme, lebelelang, o kuna monna sebakabotse sa gagwe sa go rapela Jehofa! Monna wa kgwebo o nyaka go Mo rapela; ga a rue

dikwana, gomme o ile kua go e reka. Gomme O e phetotše, le go ba raga, le go ba kitimišetša ka ntle.”

21 Ke mang a nago le kenywa ya Moya fao? Le a bona? Lena le fao. Le a bona, e sego kenywa ya Moya, e sego go bolela ka maleme, e sego go goeletša.

22 Le re, “Gona, Ngwanešu Branham, bohlatse ke eng? Bohlatse ke eng?” Go hlatsela ga Lentšu ka iring.

23 Ba be ba na le Beibele. O be a le tlwa se Jehofa a rilego se be se tla direga. Ga e nyake tlhathollo ye e itšego. E hlatholotšwe kua. Fao go be go le baprista ba lena, fao go be go le ka moka ba bego ba na le sona, gomme se sengwe le se sengwe gape se be se no bewa setlwaeding le se sengwe le se sengwe, eupša go le bjalo ba ile ba šitwa go bona Lentšu. Gomme O dirile Lentšu lela go phela ntle bakeng sa lebaka leo. Bjo o ke bohlatse bja lebaka leo.

24 Luther o bile le bohlatse bja lebaka la gagwe, Wesley bja lebaka la gagwe, Pentecost bja lebaka la yona, eupša re ka go lebaka le lengwe. Dilo tšeo ke tše botse. Eupša go swana le lesea, le na le monwana, leihlo, le nko, eupša ka morago ga lebaka o swanetše go ba motho. O swanetše go ba wa—wa go gola ngwana; ka gona a tswalwe, a be le soulo, mmele, moya, a kgone go sepela tikologong.

25 Bjale re hwetša gore, ka moka se, Jesu o se boletše ka gare ka tše di sego kae feela, feela bao A ba beetšego Bophelo, ba Mmone. E sego mašaba a magolo; lešaba la Gagwe le be le ka se kgone la tsoge la ba bjalo ka lešaba la Kayafa. Ka baka la eng, Kayafa o be a ka kgona go bitša setšhaba sohle mmogo. Jesu o beditše feela ba sego ba bakae mmogo. Ga se ba bantši ba bego ba Mo tseba. Dikete atiša ka dikete, ge A tlile lefaseng. O ile go kgabola lefase, gomme ga se ba ke ba bile ba tseba gore O be a le mo.

26 Ka fao ba dirile gape! O tla tla go bao ba bileditšwego Bophelong. O tseba gore ke mang a bileditšwego Bophelong. Gomme A ka se ke . . . Ke taba ya Gagwe go hlokomela seo.

27 Bjale re ela hloko gore nako yeo ba tšwetše ka ntle ga kereke, gomme ba be ba Mo dumetše. Se sengwe le se sengwe Lentšu le se boletšego ka Yena, O be a le fao.

28 Gomme letšatši le lengwe O ile a tlogela legae la bona. Ke nyaka go bolela ka dilo tše tharo: Jesu o sepetše; lehu le tlile; gomme ka moka dikholofelo di be di ile. Ke nyaka go bolela ka dilo tše tharo tšeo metsotso e se mekae.

29 Jesu o sepetše. Gomme ge A sepetše, bothata bo tlile ka gare. Bjale ge A go tlogela, goba legae la gago mo o dulago, bothata bo tseleng ya bjona. Sathane o na le mojako wo o bulegilego ge Jesu a sepela.

30 O be a sepetše, gomme—gomme ka pela ge A ile, nako yeo lehu la tla ka gare. Gomme ge Jesu a eya ka ntle, lehu le tla ka

gare. Go aroganywa go Yena ke lehu, ka fao lehu le tlile ka gare ge Jesu a ile ka ntle.

³¹ Gomme lehu le dikadikile la Latsaro. Gomme ka gona yo Motee yo ba bego ba dumela ka go yena le go mo rata, ba rometše go Yena gore a tle a rapelele Latsaro, ka gore ba be ba Mmone le go tseba gore O be a tseba Modimo, gore, “Eng kapa eng, Modimo. . .” Mareta o e hlagišitše morago kua, “Eng kapa eng O e bolelago go Modimo bjale, Modimo o tla e dira.” O lemogile gore Yena le Modimo e be e le Batee. O be a le Lentšu la iri, ka fao o lemogile seo. Gomme o be a tseba, ge a be a ka tsoge a kgona go kgomana le Yena, eupša O be a sepetše gomme ga se ba kgona go Mo swara. Gomme ba ile ba Mo romela, gomme, go na le gore Yena a tle, O ile kgolekgole. Gomme ka gona ba ile ba romela gape, gomme, go na le gore Yena a tle, O ile kgolekgole.

³² Dinako tše dingwe re makala gore ka baka la eng dilo tšeo di direga, eupša a Lengwalo ga le bolele gore, “Ka moka dilo di šomela mmogo go iša go tše botse go bona ba ba ratago Modimo”? O tseba se A se dirago. Ge A diega, seo ka moka se gabotse. O tseba se A se dirago. Fao go be go le morero.

³³ Re hwetša gore O rile, ka go Mokgethwa Johane 5:19, “Ruri, ruri, Ke re go lena, Morwa ga a kgone go dira selo ka go Yenamong, eupša se A bonago Tate a se dira.”

³⁴ Tate o Mmoditše gore a ye kgole, gomme a be kgole matšatši a makaa. Ka morago ga ge matšatši a phethagaditšwe, ka gona A bolele se A se boletšego nako yeo, gore, “Mogwera wa rena Latsaro o robetše.”

Gomme o rile, “Go lokile, o dira gabotse.”

³⁵ O rile, “O hwile. Gomme ka baka la lena Ke thabile Ke be ke se fao.” Ka gore, ba be ba leka go Mo dira gore a ye go yena, go mo fodiša goba go bolela se se bego se swanetše go dirwa. Eupša O be a tseba se se bego se swanetše go dirwa, ka fao O dirile feela tlwa se A bego a beetšwe go se dira: go ba kgole. Le Mo ela hloko lebitleng ge A bowa. O hlagiša seo ge A tlile morago le go hwetša legae le.

³⁶ Ka moka dikholofelo di be di ile. Latsaro o be a hwile. Iri ye nngwe le ye nngwe, ba be ba tšwela pela ba nagana, “A ka no tla lefelong la tiragalo. A ka no tla lefelong la tiragalo. A ka no bowa.” Mafelelong, a hwa, mohemo wa mo tlogela.

³⁷ Ba ile ntle, ba tšhela seela sa lehu, ba ntšha madi go tloga mmeleng wa gagwe, ba mo phuthela ka lešela, dinoko, gomme ba mo tšhela seela sa lehu gomme ba mo robotša ka lebitleng, ba bea letlapa godimo ga lebitla, seo e be e le mokgwa wa bona wa go boloka matšatšing ao. Molete ka mobung, feela mohlomong ka letlapeng, le go bea letlapa bokagodimo godimo ga lona, woo e be e le mokgwa wa bona.

38 Letšatši la pele le ile la feta, letšatši la bobedi la feta, letšatši la boraro la feta, letšatši la bone la feta, monna o be a šetše a bola ka lebitleng. Nko ya gagwe go molaleng e be e wetše ka gare. Yeo, ke nagana gore ke selo sa pele se se welego ka gare, ke nko. Gomme o be a šetše a bodile. Ya gagwe—ya gagwe nama e be e boetše morago leroleng, la lefase, goba e boela morago. Soulo ya gagwe e be e le leeto la matšatši a mane felotsoko, go tloga go yena.

39 Ka moka dikholofelo tša go tsoge ba mmona gape, ka bophelong bjo, di be di ile. Gomme ka gona ge ka moka dikholofelo di be di ile...Ba letile, “Mohlomongwe ge A ka tla letšatši la pele, letšatši la bobedi!” Aowa. Nako yeo a hwa, gomme Ga se a ke a etla. Ka gona tlalelo ya dula ka gare.

40 Ka morago ga lebaka fao go bile yo mongwe yo a swanetšego go be a mmoditše, “Mong o ka ntle.” Šo Mareta o ya go theoga seterata!

41 Jesu o tlile ka iring yela ya leswiswi ge kholofelo ye nngwe le ye nngwe e be e ile. Yeo ke ka mehla ge A etla. Le a bona? O tla feela ka nakong yeo ya leswiswiswi kudu, nako yeo Jesu a tšwelela lefelong la tiragalo.

42 Bjale hlokomelang, O tlile gomme a bitša Mareta. Bogona bja Gagwe bo tlišitše dikholofelo tše mpsha. Ga go kgathale ge mošemane a be a hwile, go le bjalo Bogona bja Gagwe bo tliša kholofelo ye mpsha.

43 O ka no ba o dutše mo bošego bjo, mogwera wa ka, moo dingaka di go hlobogilego, ka kankere, bothata bja pelo. Mohlomongwe ka setulong, o golofetše, ka moka saentshe e boletše gore fao ga go kholofelo go wena; go rothela ga khalisiamo go—go hunne marapo a gago—a gago—a gago, go fihla o sa kgone go a koba gape. Goba, e ka ba gore ya gago—ya gago pelo e befile kudu, ngaka e re o ka no sepela ka motsotso wo mongwe le wo mongwe. Oo, gomme dihlopha tše kgolo tša batho ka kankere le TB, mohlomongwe kholofelo ya mafelelo o bago le yona, go bonala o ka re ngaka o go bušeditše fase. Go le bjalo, go ba ka Bagoneng le temogo ya Bogona bja Jesu Kriste, go tliša dikholofelo gape.

44 Yo mongwe a ka kgona go e reelela go wena. Mohlomongwe ga se wa ke wa kwa ka yona pele, eupša a yo mongwe a re, “Ke tseba mo go lego kereke, ba dumela ka go Modimo gomme ba rapelela balwetši,” ka pela bjale (o loketše go hwa), o a bona, dikholofelo tše mpsha di tabogela godimo. Ka mehla e a dira. Ka iring yeo ya leswiswi, moo ke ka mehla ge yo mongwe a bolela selo se sengwe ka yona, a go botša ka Jesu. Bogona bja Gagwe bo tlišitše dikholofelo tše mpsha.

45 A nke bo dire selo sa go swana bošego bjo, go swana le ka mo bo dirilego bošego bja go feta. Ge re bona Lentšu lela le hlatsetšwego ka godimo ga morithi wo o itšego wa go kamaka,

le le dirilwego go bonagala, le netefatšwa gore Jesu *yola* a phetšego mengwaga ye makgolosenyane ya go feta, yo a go hwa godimo ga Khalibari, a tsogela godimo ka letšatši la boraro, gomme a tšwelela go barutiwa ba gagwe le go ba bula mahlo, gomme a dira tshepišo ye ya letšatši, o thwi mo bošego bjo ka bogoneng bja rena bjale, bo tlemegile go tliša dikholofelo go batho. Dikholofelo tše mpsha di phadima godimo.

⁴⁶ Mohlomongwe yo mongwe o rile, “Kereke e be e le mohuta wa go oma lebaka. Re be re sa na le meetse a mabotse a maswa lebaka—lebaka—lebaka la dikgwedi di se kae. Re be re se na le tsošetšo. Go lebeга o ka re yo mongwe le yo mongwe ke magakwa, goba selo se sengwe le se sengwe. Re no ya kerekeng gomme ra opela kopelo, le—le go kwa melaetša e se mekae gomme ra ya morago.” Eupša ka moka ka pela, nako yeo, ge re thoma go oma, ka gona Jesu o tla lefelong la tiragalo, gomme o a re mpshafatša, o tliša selo se sengwe se seswa go rena. Ka mehla O fao go dira seo. Dikholofelo tše mpsha di tla ge—ge Jesu a etla ka gare. Bogona bja Gagwe bo tliša kholofelo ye mpsha.

⁴⁷ O tsebile gore O be a le Lentšu le le bonagadišwego la Modimo. O bone lebaka leo. Goba, ge a se a dira, a ka be a sa le le Orthodox. A ka be a sa le wa kereke. Eupša o bone Lentšu lela le tshepišitšwego. O bone Lentšu lela le tšhepišitšwego le bonagatšwa ka Yena gomme a tseba gore O be a le Lentšu leo le phelago. Gomme ge a kwele ka lona, ga se a ke a tshwenyega gore ke ba bakae ba bego ba mo swaswalatša, eng gape, o tšeetše ntle go Yena feela ka maatla ka fao a bego a kgona go ya. Le a bona? O tsebile gore O be a le Lentšu lela le bonagadišwego.

⁴⁸ Ga go go kamaka eupša se a se badilego ka setori sa Eliya ka letšatšing la gagwe. Bjale, o be a le Lentšu la Modimo le le bonagadišwego ka letšatšing leo. O be a le moporofeta, gomme Lentšu la Morena le tla go moporofeta. Gomme go be go le mosadi kua yo a bego a na le lesea le le nnyane le le bego le filwe go yena ka tšhegofatšo ye moporofeta a go mo šegofatša ka yona, gomme o bile le ngwana.

⁴⁹ Letšatši le lengwe, e ka ba ka iri ya lesometee, o swanetše go be a bile le setorouku sa letšatši. O be a le ntle ka tšhemong le tatagwe, Beibele ga e bolele gore e be e le, bolele gore e be e le setorouku sa letšatši, eupša a thoma go lla, “Hlogo ya ka! Hlogo ya ka!” E ka ba ka iri ya lesometee ka letšatšing. Gomme o be a na le mohlanka, tate o dirile, go mo tšeela ntlong. O robotše difarong tša mmagwe go fihla e ka ba ka sekgalela, a babjababji le go babjababji, gomme mafelelong a hwa.

⁵⁰ Gomme bjale, go na le gore a ye ka go tlalelo...ka moka baagišane ba tlile ka gare ba goeela le go ya pele, eupša mme yola wa go iketla, lesea la gagwe le be le hwile, o ile a le tšeela godimo ka kamoreng ye nnyane yela ye a e filego moporofeta, gomme a mo robatša godimo ga mpete wa gagwe, ka mokgwa

woo. Gomme a re go mohlanka, “Nthwešetše mmoula sala, gomme o kgathiše go otlologa, gomme o se ke wa ema ntle le ge ke go botša go ema.” Oo, nna! Yeo ke yona!

⁵¹ Ga re na le nako ya go ngangišana le go ngangana. Se se fetile letšatši leo. A re ye pele. Re swanetše go fihla kua. Re na le tlhokego.

⁵² Gomme ka fao o rile, “Wena eya pele, gomme o se ke wa nyefiša go kgathiša ga gago ntle le ge ke go laela go dira.” Gomme ba ile ba ya go fihla ba fihlile go Eliya.

⁵³ Eliya, ka go ba monna wa Modimo, e sego go swana le Kriste; Kriste o be a tseba dilo ka moka, ka gore O be a le Modimo. Eliya o be a le karolo ya Modimo. Yoo e be e le Kriste ka go Eliya. Gomme woo e be e le molaetša wa iri, ka gore Lentšu la Morena la iri yeo le be le na le moporofeta yoo.

⁵⁴ Jesu o be a le botlalo bja ka moka baporofeta bao, yo mongwe le yo mongwe wa bona feela o be a bonagatša Yena. Seo ke ka moka. Tsela ka moka go tloga go Josefa, go tloga go diripana tše masometharo tša silibere, mo gohle, o—o be a swantšha Kriste. Ka fao Moshe o dirile!

⁵⁵ Dafida, o be a dutše bjalo ka kgoši ye e gannwego godimo ga thaba, a lla ka gore o be a gannwe. Mengwaga ye makgoloseswai ka morago ga fao, Morwa wa Dafida o ile a dula godimo ga thaba. Woo e be e le Moya wa Kriste ka go Dafida kua. Gomme O . . . Nna! O be a le mmogo Mudu le Lehlogedi la Dafida. Gomme ka fao O ile a dula godimo ga thaba, a lla, bjalo ka Kgoši ye e gannwego, “Jerusalema, Jerusalema, ke ga kae Ke bego nka go alamela, bjalo ka kgogotshadi ge e be e tla dira go matsuana a yona.” E be e le eng? E be e le Kriste morago kua.

⁵⁶ E be e le Kriste a lla ge Dafida a be a ngwala kopelo, “Modimo wa Ka, ka baka la eng Wena o Ntlogetše? Ka moka marapo a Ka, a Ntebeletše. Ba hlabile maoto a Ka le diatla tša Ka. Ba abelane diaparo tša Ka magareng ga bona. Ba dirile matengwa ka seaparo sa Ka.” Yoo e be e le Kriste a bolela ka go Dafida. Yeo ke therešo. O be a le ponagatšo ya Lentšu. Kriste o tlile go phethagatša tšona dilo tše di boletšwego ke baporofeta, ka gore Lentšu le be le na le baporofeta.

⁵⁷ O boletše seo ka thutong bošego bja go feta, gore O tlile go phethagatša se baporofeta ba se boletšego ka Yena, ka gore ba be ba na le Lentšu. Gomme Eliya e be e le moporofeta wa Modimo, Lentšu la letšatši leo.

⁵⁸ Ka fao mosadi wa Mosunami o dutše le moporofeta yola go fihla a etla gomme a bonagatša maatla a Modimo, gomme a robatša seyena godimo ga lesea, gomme lesea la tla bophelong.

⁵⁹ Bjale Mareta o swanetše go ba e lemogile se, le ge a be a le matasatasa a hlokometše ntlo, a hlatswa dikotlelo, le go ya pele. Eupša kua o laeditše mmala wa gagwe. O laeditše ka nnete se se

bego se le ka go yena. O ile a ya go Mo tšea ka pela. Ge Modimo a be a le ka go Eliya, Modimo o swanetše go ba ka go Kriste, ka gore O netefaditše gore O be a le Motho yoo. Amene. Ke rata seo, ka boitlemo bjoo! O ya go Yena. O ile a swanelwa ke go ya go Yena. Gomme a hwetša kua, ge a fihla go Yena—go Yena; bjale elelwang, o tsebile gore O be a se a ke a fetoga, gore Modimo ga a ke a fetola lenaneo la Gagwe. Ge A be a le ka go Eliya gomme a kgonne go tsoša mohu, O be a le ka go Kriste gomme a ka kgona go tsoša mohu, le ge A se a ke a e dira, ka gore ke Modimo yo a swanago.

⁶⁰ Le bile Ga se a fetoga le bjale! E sa no ba feela Modimo kudu bošego bjo bjalo ka ge ka mehla A bile. O a swana maabane, lehono, le go ya go ile. Yena ga a fetoge.

⁶¹ Gomme O tsebile gore o tsebile gore e be e le Yena. Hlokomelang, feela ka metsotsong e se mekae o e netefaditše, we a boletše selo se sengwe go Yena ka ngwanabo, gomme o rile, “Morena, ke—ke a dumela gore O yena.”

⁶² Gomme O rile, “Ke nna Tsogo le Bophelo. Le ge a be a hwile, go le bjalo o tla phela. Gomme mang le mang a phelago gomme a dumela go Nna a ka se tsoge a hwa. KE NNA.” Yoo ke KE NNA a bego a le ka sethokgweng se se bego se tuka, le Moshe. “Ke nna Tsogo. Ke nna Bophelo. Ke be ke le Leboto. Ke sa le Yena. Ke nna Tsogo le Bophelo. Yo a dumelago ka go Nna, le ge a be a hwile, go le bjalo o tla phela. Mang kapa mang a phelago gomme a dumela ka go Nna, a ka se tsoge a hwa.” Ka morago ga netefatšo ye kgolo ye yeo a bilego le yona, gore O be a le Lentšu le le tshepišitšwego; ge A rile, ka go ba Moporofeta, O be a sa kgone go aketša; ka fao O, ge A rile, “Ke nna KE NNA. Ke nna Yo a lego Tsogo le Bophelo.”

⁶³ O rile, “Ke a dumela gore O yo Yena, Morwa wa Modimo yo a swanetšego go tla ka lefaseng. Le ge ngwanešu wa ka a hwile, a robetše ntle kua ka lebitleng, o . . . mmele wa gagwe o a bola bjale; eupša le bjale, eng kapa eng O e bolelago, e tla tla go phethega.” Thwi!

⁶⁴ Ka moka a bego a se nyaka e be e le go kwa Yena a e bolela! Amene. Oo, Mareta, re kae bošego bjo? “E no bolela Lentšu; mohlanka wa ka o tla phela!” Go no kwa Yena a e bolela! Ba ka no ba ba tlile ba mmotša gore O e boletše, eupša mo O be a le Yenamong. O Modimo, bula mahlo a a fufaditšwego, gore a kgone go bona! Ge Yena, ka Bogoneng bja Gagwe, a bolela Lentšu, ka mehla le a bonagatšwa.

⁶⁵ O rile, “Eng kapa eng O e kgopelago Modimo, Modimo o tla e fa go Wena. E no ntira ke kwe!” O be a Mo nyaka gore a bolele Lentšu. Leo ke ka moka a bego a nyaka go le kwa. Go no hwetša Lentšu, seo ke ka moka a bego a se nyaka, e be e le go kwa Yena a bolela gore O be a tla e dira.

66 Gomme A ka be a e dirile thwi nako yeo, eupša, le a bona, ka pono yeo Tate a Mo laeditšego yona, O be a swanetše go be a eme kgauswi le lebitla. Oo, nna! Swara tumelo ya gago! Modimo o šoma se sengwe le se sengwe gabotse. Go tla ba ka moka gabotse. E no leta go fihla a fihla lebitleng.

67 Elang hloko, o be a ka kgona go no Mo dira a e bolele, le ge a be bjale. . . Ka moka dikholofelo di ile, ka moka se sengwe le se sengwe. O be a hwile, a bola ka lebitleng, eupša go no kwa Yena a e bolela, ke ka moka a bego a se nyaka.

68 Bjale ge A rile, “Ke nna Tsogo le Bophelo,” o ile a e dumela. O ile a e dumela. Bjale elang hloko, bjale o ile a swanelwa ke go dumela disekgonege, ge a Mo kwele a re, “Ke nna Tsogo le Bophelo. Le ge a be a hwile, go le bjalo o tla phela, gomme mang kapa mang a phelago gomme a dumela ka go Nna a ka se tsoge a hwa.” O rile, “A o dumela se?”

69 Gomme o rile, “Ee, Morena, ke a se dumela. Ke a dumela gore O Morwa wa Modimo yo a bego a swanetše go tla ka lefaseng.” Ke rata seo. Ke rata seo.

70 Ke—ke boletše seo pele. Se ka no ema gape bjale. Ke be ke bolela le mosadi e sego kgale go fetile, e be e le kereke ye e išego ye ke e boletšego nako ya go feta, ye e sa dumelego gore O be a le Modimo, Bomodimo bja Gagwe; O be a no ba moporofeta, monna wa mehleng.

71 O be a le seo, ka therešo. O be a le seo, hlakanya le Modimo. Le a bona, O be a le ponagatšo. Jesu ke mmele, Mošemane, Motho; Modimo o be a le se se bego se dula ka go Yena. Modimo o be a le ka go Yena. O be a le Modimo-motho. O be a le Motho, go le bjalo O be a le Modimo a bonagaditšwe ka nameng. Ge re bona Jesu, re bona Modimo. Seo ke se A se boletšego, “Ge le bona Tate, le bona Nna, le bona Tate.” Ka gore, O be a le ponagatšo, ka gore O be a le Lentšu, amene, leo le bego le le mathomong. Amene.

72 O biditše baporofeta, “modimo.” A le tseba seo? O rile, “Le ba bitša ‘modimo’ ba Lentšu la Modimo le tlogo go bona. Le ka Nkahlola bjang ge Ke re ‘Ke nna Morwa wa Modimo?’”

73 Ka gore, Lentšu le le swanago le rile O tla ba fao, gomme Lentšu le fao le dirilwe go bonagala gape. Gomme go le bjalo ga se ba ke ba le dumela.

74 Mosadi yo o rile go nna, “Nka kgona go netefatša se go wena.” O rile, “Ke rata go go kwa o rera, eupša fao go selo se tee o se dirago kudu.”

“Go lokile, ke eng seo?”

O rile, “O ikgantšha kudu ka Jesu.”

75 Ke rile, “Ke a holofela seo ke ka moka A nago le sona kgahlanong le nna ge A etla.” Gomme o rile. . . ke rile, “Ke a holofela seo ke ka moka A ka se kgonago, phošo ye A ka kgonago go e hwetša ka go nna.” Ke rile, “Ge ke be ke na le maleme a

dikete tše lesome, ke be nka se kgone go bolela go lekanela, oo, nna, se A lego sona!”

O rile, “Eupša, o, o Mo dira Modimo.”

⁷⁶ Ke rile, “O be a le. Goba, ge A be a se, O be a le mofori yo mogologolo kudu lefase le kilego la ba le yena.”

O ile a re, “O be a le moporofeta.”

⁷⁷ Ke rile, “O be a le Moporofeta, yeo ke therešo: Modimo-moporofeta, botlalo bja Lentšu. Moporofeta o be a no ba le Lentšu le etla go yena, seo ke se se bego se mo dira—se mo dirilego moporofeta. Eupša O be a le botlalo bja Lentšu leo.”

⁷⁸ Gomme o rile, “Nka kgona go netefatša go wena.” O rile, “O Mo dira Mokgethwa.”

Ke rile, “O be a le Mokgethwa.”

Gomme o rile, “A ka se kgone go ba Mokgethwa.”

Ke rile, “Eupša . . . O be a le.”

O rile, “O rile o dumetše Beibele.”

Ke rile, “Ke a dira.”

⁷⁹ O rile, “Ke tla netefatša go wena, ka Beibele ya gago mong, gore O be a se Mokgethwa.”

⁸⁰ Ke rile, “E dire. Ge Beibele e bolela bjalo, gona ke tla e dumela, ka gore ke a dumela Lentšu le a rereša.”

⁸¹ O rile, “Tseleng go tšwa tlase go ya lebitleng la Latsaro, o elelwa seo ka go Mokgethwa Johane 11?”

Ke rile, “Ka nnete ke a dira, mme.”

⁸² O rile, “Go lokile, bjale, tseleng go theoga, O llile. Beibele e rile, ‘O llile.’”

Ke rile, “Ka nnete, Beibele e rile O llile.”

O rile, “A ka kgona bjang A be Mokgethwa gomme a lla?”

Ke rile, “O be a le motho.”

“Motho gomme Mokgethwa?”

⁸³ Ke rile, “Ee, mohumagadi. O palelwa ke go bona. O be a le— a le motho a eya mmogo kua, a lla le bao ba bego ba lla, yeo ke therešo, a nyamile le bao ba bego ba nyamile. O be a le Motho. Eupša ge A otlolotše wa Gagwe wo monnyane, wa go ohlega mmele godimo, gomme a re, ‘Latsaro, etla pele,’ gomme monna yo a bego a hwile matsatši a mane, o ile a ema ka maoto a gagwe. Seo se tšea go feta motho, yoo e be e le Modimo ka go Motho.” Ke mang a ka kgonago go tsoša bahu, eupša Modimo? Yena ke Tsogo le Bophelo! Yeo ke therešo.

⁸⁴ Bošegong bjola ntle ka lewatleng, ge A be a le ntle kua, a lapile, a robetše ka lešagong la sekepe, moo bodiabolo ba dikete tše lesome ba bego ba enne gore ba be ba eya go Mo nweletša bošego bjoo, gomme sekepe se sennyane sela sa kgale se

tšokatšoka go dikologa bjalo ka setswalelo sa lepotlelo ntle kua godimo ga lewatle la madimo. Bona bodiabolo ba gopotše, “Re Mo hweditše bjale. O robetše; re tla nweletša sehlopha sohle.” Oo, O be a le Motho, a lapile, eupša ge gatee a tsošitšwe, O emišitše leoto la Gagwe godimo ga morumo, gomme a lebelela godimo gomme a re, “Khutšo, homola,” gomme diphefo le maphotho a Mo obamela. Yoo e be e le go feta motho.

⁸⁵ O be a le motho ge A be a swerwe ke tlala, o tlile fase go tšwa thabeng, a nyaka seripa sa borotho goba selo se sengwe go ja, goba lego go tšwa mohlareng. Eupša ge A tšere dipisikiti tše tlhano le dihlapu tše pedi, gomme a fepa dikete tše tlhano, yoo e be e le Modimo ka go Motho. Yeo ke therešo.

⁸⁶ Oo, monna yo mongwe le yo mongwe a kilego a lekana le thaba ya dinawa o dumetše seo, ka moka bareti ba ba dumetšego seo. Ga go makatše yo motee o ngwadile:

Go pheleng O a nthata; gomme go hweng, O
mphološitše’;
Go bolokweng, O rwaletše dibe tša ka kgole
kgole;
Go tsogeng, O lokafaditše go lokologa go ya go
ile;
Letšatši le lengwe O a tla, O letšatši la letago!

⁸⁷ Eddie Perronet, ge dipina tša gagwe di be di sa rekwe. Letšatši le lengwe, a thekesela ka tlase ga khuetšo ya Moya wo Mokgethwa, o ile a topa pene, o ile a ngwala koša ya tlhomamišo, ge a ngwadile:

Ka moka dumedišang maatla a Leina la Jesu!
A nke Barongwa ba we go patlama;
Tlišang pele korone ya bogoši,
Mo rwešeng Korone Yena Morena wa bohle!
(Haleluya!)

⁸⁸ Ka nnete, seo ke se re dumelago gore O be a le sona. Ee, mohlomphegi.

⁸⁹ O ile a swanelwa ke go dumela disekgonege bjale, go go nagana ga sebjalebjale ga letšatši leo. Ka fao o swanetše go dumela disekgonege, go bona Bophelo bjo boswa, go bona selo se sengwe se direga. Eupša ge A lemogile. . . O ile a Mo lemoga go ba Lentšu, ka gona disekgonege di ka kgona go direga, ka gore Yena ke mohlodi, gomme o tla ema le se sengwe le se sengwe A se boletšego.

⁹⁰ “Gomme dilo ka moka di a kgonega go bona ba ba kgonago go dumela.” Leo ke Lentšu la Gagwe. Eupša disekgonege di dirwa go bonagatšwa ge Modimo a tšewa Lentšung la Gagwe. Ee, mohlomphegi. Ge Modimo a tšewa Lentšung la Gagwe, disekgonege di—di dirwa go bonagala. Ge Modimo a re e tla ba, ka gona o tšea Lentšu leo gomme wa hlokomela eng, disekgonege di direga. Ka nnete e tla dira.

⁹¹ Eupša elang hloko, le ka go ka moka seo, o rile, “Le bjale, Morena, eng kapa eng O e kgopelago Modimo, Modimo o tla e dira.” O tsebile gore o be a ka kgona go no hwetša Lentšu lela go tla go tšwa go Yena. Seo ke ka moka a bego a nyaka go se dira, e be e le go hwetša Lentšu lela. Ee, e be e le iri ya gagwe ya leswiswiswi kudu, gomme Jesu a tla mmogo gomme a bitša. Oo, a selo se ba se bonego, tsogo!

A re lebeleleng go ba bangwe moo diiri tša leswiswi di tlogo.

⁹² Fao go bile monna nako e tee, a bitšwa Jobo, yo mongwe wa baporofeta ba kgalekgale kudu ka Beibeleng. O be a le monna yo mogolo. O be a—o be a rata Morena, gomme o dirile ka moka a bego a tseba mokgwa wa go dira. Gomme Sathane a duma go mo fefera, ka fao a re go Modimo letšatši le lengwe. . . Ya, Modimo o rile go yena, ke ra gore, “O be o le kae, Sathane?”

⁹³ O rile, “Oo, ke be ke sepela go ya le go bowa godimo le fase godimo ga lefase.”

⁹⁴ O rile, “A o šeditše Jobo mohlanka wa Ka? Ga go wa go swana le yena lefaseng. Ke monna wa go phethagala.”

⁹⁵ “Oo,” o rile, “ka nnete, O mo fa se sengwe le se sengwe, o mo direla se sengwe le se sengwe. Ka nnete, ke monna yo mogolo. Eupša ntumelele ke be le yena nako e tee, ke tla fetola moopelo. Ke tla mo dira a Go roge, sefahlegong sa Gago.”

⁹⁶ O rile, “O ka se kgone go e dira.” Yeo ke kholofelo ya Gagwe ka go modumedi. Ka baka la eng? Yena ga a Felele. Yena ke wa ka Gosafelego. Yena o tseba mafelelo go tloga mathomong. O tsebile gore Sathane o be a ka se kgone go e dira. Ka gore, ke Yena Lentšu, Yena o tsebile se Jobo a bego a tla se dira.

⁹⁷ Bjale, elelwang, Jobo, o mo robile ntle ka dikutu, a bolaya bana ba gagwe, a tšea se sengwe le se sengwe a bego a na le sona. Go fola ga gagwe go be go ile. Le bahomotši ba gagwe ba tlile, gomme ga se ba ke ba kgona go dira selo eupša go no mmea molato wa go ba modiradibe wa sephiri. Gomme Jobo wa kgale o tsene ka lefelong le le bjalo go fihla a tlalelwa kudu.

⁹⁸ O swanetše go tsena ka tlalelong, pele. O swanetše go tsena nakong moo o lego bofelong bja tsela.

⁹⁹ Jobo o tsene ka bofelong bja tsela, ge a rile, “Go rogakilwe letšatši le ke tswetšwego. A nke letšatši le bile le se phadime, gomme a nke ngwedi o se phadime bošego, a nke leina le se tsogo la bitšwa.” Gomme ka tlalelo, yeo, ka gona Jesu o tlile mmogo. O ile a lebelela fase, gomme o rile, “Ke bona monna. Letšoba le a hwa, gomme le tsoga gape ka seruthwane. Ge mohlare o wela fase, o tla godimo gape ka monkgo wa meetse.” O bone ka moka bophelo bja dimela bo phela gape, eupša o rile, “Monna o robala fase, gomme o neela moya, o kae?” O tsebile gore o be a le monna wa mokgalabje. O rile, “Barwa ba gagwe ba tla go mo llela, gomme ga a se bone. Oo, gore O ka be o nkuta ka lebitleng

le go mpoloka ka lefelong le sephiri, go fihla bogale bja Gago bo fetile. Mpeele nako gomme o beele nna nako. Re ile. . .” Gomme o be a eya pele ka tsela yeo, a bolela. O be a le bofelong, bja tlalelo ya gagwe, “Go be go tla direga eng? Matlakala a a phela, a tla morago gape ka mohlareng, matšoba a tla morago gape, se sengwe le se sengwe gape se tla godimo, eupša monna o robala fase gomme o neela moya!” O be a le ka tlalelong. O be a sa tsebe se se bego se ka kgona go direga go yena, le go yena ka mengwageng yeo.

¹⁰⁰ Ge a dirile, ka gona Jesu a tla mmogo. Modimo a šupeditše hlogo ya gagwe go leba leratadimeng, gomme a bona Jesu a etla ka matšatšing a mafelelo.

¹⁰¹ Leswiswiswiwi kudu leo la iri ge mosadi wa gagwe a rile, “Roga Modimo gomme o hwe lehu,” go le bjalo o rile, “Mosadi, o bolela bjalo ka mosadi wa lešilo. Morena o be a file, gomme Morena o tšere, a go šegofatšwe Leina la Morena.” Le mosadi wa gagwe o mo hlanogetše. Kereke ya gagwe e mo hlanogetše. Yo mongwe le yo mongwe o mo hlanogetše.

¹⁰² Ka iring ya leswiswi, mo a bego a sa tsebe mo a bego a eya go tloga fao, Jesu o tlile mmogo. Ka gona a goellela ntle, “Ke a tseba Molopolodi wa ka o a phela, gomme ka matšatši a mafelelo O tla ema godimo ga lefase. Gomme le ka morago ga ge diboko tša letlalo di senya mmele wo, go le bjalo ka nameng ya ka ke tla bona Modimo, Yo ke tlogo go mmona ka bonna.” Ka iring ya gagwe ya leswiswiswiwi, ka gona Jesu a tla mmogo. Ee, mohlomphegi.

¹⁰³ Moshe, go Moshe, iri ya leswiswiswiwi kudu e tlile go yena ka Israele. O be ale thwi ka mothalong wa mošomo; a kopana le Modimo godimo kua ka sethokgweng, gomme a re, “KE NNA KE NNA.” O ile tlase gomme a lwa go kgabola ka moka mohuta wa dikekišo tša Janese le Jamboro, ba leka go ekiša mošomo wa gagwe. Ka moka se, o ile a ema therešo go Modimo. Mafelelong o dirile Israele gore e dumele. Gomme šo o tla ka ntle ga Egepeta, go ya godimo go—go naga ya tshepišo, moo Modimo a rilego, “Le tla Nthapela godimo ga thaba ye.” Leo e be e le Lentšu la Modimo. Moshe o be a tseba gore o be a swanetše go ya go thaba yela. Amene. Modimo o boletše bjalo! Ga go Farao yo a ka kgonago go mmolaya. Ga go diabolo yo a ka kgonago go mmolaya. Ga go selo se ka kgonago go mmolaya. O tla thabeng yela. Amene! Haleluya! Ke ikwela bodumedi. O ya thabeng yela.

¹⁰⁴ Ka fao re tseleng ya rena go ya Letagong! Ga go selo se yago go re emiša. Aowa, mohlomphegi. Modimo o ya go hlatsela Lentšu la Gagwe. Ga ke tshwenyega gore go direga eng, O ya go se dira, go le bjalo. Ee.

¹⁰⁵ O tseleng ya gagwe, thwi ka tseleng ya mošomo. Šo yena, o rokeletšwe gare ga dithaba. O a theetša gomme o kwa go rora morago ga gagwe. Ke eng? Dikoloi tša Farao, ka dikete, di etla;

dihlabani, le marumo le dilo, go ba otlela fase le go ba gatakela fase. Fale go Lewatle le Lehubedu, le mo ripile. O dirile eng? O tsene ka tla- . . . O tsene ka tlalelong. Batho ka moka ba a goeela, “Oo, re ka gare ga bjona bjale. Farao o tla re bolaya, ditšhoša tša gagwe di tla kitima go re kgabaganya. Masea a rena a tla hwela mo ka lešokeng.”

Moshe o lletše ntle, “O Modimo!”

106 Gomme ka gona Jesu o tlile lefelong la tiragalo. O be a le Pilara ya Mollo. Yeo ke therešo. O tlile fase gomme A lekella gare ga gagwe le kotsi. Amene. Ke Moya-gare wa rena. Ke Moema-gare, amene, Mmoelanyi. Šole O eme, o eme kua; leswiswi go Baegepeta, bao ba bego ba etla go leka go dira selo se sengwe ka yona. O be a le Seetša go bona, go sepela ka sona. Ka gona mosong ge phefo e thomile go foka ka maatla, bošego bjoo, nako yeo O dirile eng? O tlile ka sebopego sa Pilara ya Mollo.

107 Elelwang, O sa le Pilara yela ya Mollo. Ee, mohlomphegi. Ge A be a le lefaseng, O rile, “Ke tšwa go Modimo, gomme Ke ya go Modimo.”

108 Gomme ka morago ga lehu la Gagwe, poloko, tsogo, le thotogelo; Mokgethwa Paulo, tseleng ya gagwe tlase go ya Damaseko, o ile a rathelwa fase ke Pilara yeo ya Mollo. Elelwang, o be a le Mohebere. A ka be a se a re se. . . O rile, “Morena, Wena o Mang?” Tlhakakgolo M-o-r-e-n-a, Elohim. “Wena o Mang yo ke mo tlaišago?”

O rile, “Ke nna Jesu.”

109 Amene! Haleluya! Ke wa Mathomo le Mafelelo. Ke se sengwe le se sengwe. “Lebaka le lennyane gomme lefase ga le sa Mpona gape, eupša lena le tla Mpona. Ke tla ba le lena, le ka go lena.” Pilara ya Mollo ye e swanago, Modimo yo a swanago a dirago selo se se swanago, ka tšhepišo ye e swanago, amene, o dira Lentšu la Gagwe go bonagatšwa. “Ke nna Tsogo le Bophelo. Ke nna Yo a Bego a le gona, Yo a Lego gona, le Yo a Tlago go tla.” Ee, mohlomphegi. Ya.

“Botate wešu ba ja manna ka lešokeng.”

110 O rile, “Bona ba, yo mongwe le yo mongwe yo mongwe, hwile. Eupša, KE NNA A SA LEGO KE NNA.” Moshe. . . Ka sethokgweng se se tukago, yoo e be e le KE NNA. O sa le KE NNA, e sego Ke be ke le; KE NNA, lebaka la bjale, dinako ka moka.

111 Re hwetša mo gore Moshe o teteletšwe thwi ka sekhutlong se, gomme Kriste o tlile fase. Bjale, gomme Beibele e boletše gore, gore, “Moshe o ile a sema go—go gobošwa wa Kriste mahumo a magologolo go feta matsaka a Egepeta.” Go gobošwa ga Kriste! Kriste o be a le tlotšo, Logos yo a tšwelego go Modimo. Morongwa, mmadi yo mongwe le yo mongwe wa Beibele o a tseba gore Morongwa woo e be le Kriste. Gomme šole O be a le gona

ka lešokeng, gomme O tlile lefelong la tiragalo, ka sebopego se A bego a swanetše go bonagatšwa ka go sona. Letago go Modimo!

112 O a tla lehono ka sebopego, Kriste yo a swanago, a banagaditswe.

113 O ba buditše gore O be a tla ba tšeela ntle. O be a e dira. Šole O tlile go ema go Lentšu la Gagwe, go Le hlatsela. Ka gona ka morago ga ge A tlile, go swana le ge A dirile go Mareta, ka gona O buditše. O rile, “Moshe, ka baka la eng o llela go Nna? Bolela le batho ba, gore le ya pele.” Iri yela ya leswiswi, Lewatle le Lehubedu le ile la bulega godimo gomme ba ya go kgabaganya, leetong la bona go phethagatša Lentšu la Modimo. Ee, ka iring ya Moshe ya leswiswiswi kudu, nako yeo Jesu o tlile mmogo. Re na le nako bjale. . . Gomme O buditše Moshe.

114 Re nyaka go gogela šedi ya lena go monna yo mongwe yo monnyane. Leina la gagwe e be e ele Jairo. Fao go na le ba bantši ba bona lefaseng lehono. O be a le modumedi wa sephiri. O be a rata Jesu. O be a kwele ka Yena. O be a Mo dumela. Eupša, le a bona, o be a šetše a tšoenne ka boyena go mokgatlo. Ya. O—o—o nno. . . O be a sa kgone go tla ntle gomme a e bolela. O be a e dumela, eupša o be a sa kgone go e bolela, ka fao o be a tšoenane le basedumele. Eupša ka nnete o be a e dumela.

115 Le a tseba, ge monna a tsena ka sebopegong seo, nako ye nngwe Modimo o mo tliša go makgaolakang. Ke ka tlalelong ge ka nnete re laetša mebala ya rena, seo ka nnete re lego sona.

116 Ka fao o be a le fao, o be a šetše a tšoenane le basedumele, gomme o be a šetše a ile godimo le go bea leina la gagwe godimo ga puku, le go ya pele. Gomme o be a le moprista, gomme ka fao o—o be a no se kgone go dira boipolelo, ka gore seo e be e le karata ya gagwe ya dijo. Ka fao, eupša o be a sa dumela Jesu.

117 Letšatši le lengwe, mosetsana wa gagwe yo monnyane a babja. Oo, nna. Yena, ntle le go kamaka monna, ge. . . ka mokgwa woo, o swanetše go ba a buditše ngaka. Ngaka a tla, a hlokomela ngwana. Letadi la befa le go befa. Ka morago ga lebaka a fiša, le se sengwe le se sengwe, mafelelong a tla ntlheng ya lehu. O be a le tlalelong. O be a swanetše go dira selo se sengwe. O—o be a no se tsebe gore a ka dira eng. Bjale a gopola, “Ge nka no kgona go Mo hwetša, kae kapa kae A lego.” Bjale ga se a ke a leta go fihla e eba nako ya bošego, go swana le ge Nikodemo a dirile, go ba le poledišanotsenelelo ya sephiri. Nako e be e le ya tiro, nako e be e tlile ya tiro gomme o be a swanetše go dira nako yeo.

118 Gomme ke a nagana, ngwanešu, kgaetšedi, go a swana le bjale. Nako e tlile ya tiro. Nako e tlile go dumela goba go se dumele. Mothalo wola wa go aroganya o tla go monna le mosadi yo mongwe le yo mongwe. E tla go ngwana yo mongwe le yo mongwe. Dinako tše dingwe ge o feta mothalo wola, fao go selo se tee feela se šetšego, seo ke kahlolo, ge o feta gare ga kgaogelo le kahlolo, ge o feta mothalo woo.

119 Elelwang, o bile ka tlalelong. O be a sa tsebe gore a ka dira eng. Fao go be go eme baprista ba gagwe, ka moka borabi ba eme go mo dikologa. Kopanelo e be e na le yena, ka moka go theoga kua, ba bogetše morwediagwe yo monnyane a ehwa. Ngaka e be e eme ka ntle, ka diatla tša gagwe di phuthilwe, a šišinya diatla tša gagwe, “Ke file sehlare se sengwe le se sengwe ke bego ke se tseba, gomme go le bjalo. . .”

120 Le a bona, e be e le Jesu a šoma nako ka moka. Jesu o be a dira se ka morero, go tliša mmala ka ntle ga mothaka yo monnyane yola. Ka morago ga lebaka, ke kgona go mmona a eya go tšea kefa ya gagwe ye nnyane ye ntsho gomme a e rwala, a apara jase ya gagwe ya baprista ye nnyane.

“O ya kae?”

121 “Ke nna. . . ke kwele gore O tlase nokeng. Ke ya morago ga Gagwe!” Oo, nna! A tloga!

122 Ka iring yeo ya tlalelo, o ile a swanelwa ke go dira sephetho: go tlogela ngwana wa gagwe a ehwa, goba o tsebile gore e be e le ponagatšo ya Lentšu. O be a le moprista, gomme o be a badile Lentšu, gomme o tsebile gore e be e le ponagatšo ya Modimo. Modimo o be a le ka go Kriste, a boelanya lefase go Yenamong. O be a tseba seo, gomme o ile a gapeletšwa tabeng. O ile a swanelwa ke go dira phošo, go lesa ngwana wa gagwe a hwe, goba go dira boipolelo bja gagwe. Ge a fihlile ka tlalelong yeo, e be e le ka nako yeo gore Jesu o tlile mmogo. O ile a ya go Mmona. O rile, o rile, “Ke tla ya le Wena, eng kapa eng O se bolelago.” Gomme ntle tseleng, mo go tla semamathane, selo sa leswiswi kua. O be a dirile boipolelo bja gagwe, gore o be a Mo dumela. O be a ikgaotše ka boyena nako yeo, le go ipea ka boyena ka mahlong a setšhaba ka nako yeo, gore o be a le modumedī go Jesu.

123 Gomme mo go tla semamathane, se re, “O se ke wa tshwenya motho yo mongwe, ka gore mosetsana wa gago o šetše a hwile. O hwile maabane. O šetše a hwile. O se ke, o se ke wa tsenatsenana le yona gape.”

124 Gomme, oo, pelo ya gagwe ye nnyane e ile ya nyaka go palelwa. Eupša o ile a lebelela gomme a bona mahlo a le a Jesu, a re, “A Ga se ka re go Wena? Se boife, ge o nyaka go bona letago la Modimo. O boifa eng? Ke šetše ke go boditše gore Ke tla ya.”

125 O šetše a boletše gore O be a tla tla. O šetše a boletše gore O be a tla dira se, gomme šo O a se dira. Amene. O boletše gore O tla tsoga lefelong la tiragalo ka matšatšing a mafelelo gomme A dira dilo bjalo ka ge A dirile, bjalo ka ge re badile bošego bja go feta gomme re boletše. Šo O a se dira. O boifa eng?

126 Elelwang, ge A tlile, gomme O mmiditše go tšwa lehung. O tlile lefelong la tiragalo gomme a mmitša go tšwa lehung.

Barathomia wa go tšofala wa sefoku, nako ye nngwe, o iteile iri ya gagwe ya leswiswiswi kudu.

127 Jesu o be a le tlase kua, a beakanya difihlolo tša Full Gospel Business Men tlase kua ka—ka Jeriko, gomme O be a na le Sakeo tlase kua. O kopane le yena ka mohlareng, go theoga seterata. Ka fao ge A be . . . Go lokile, O be a se a beakanya eng kapa eng gape, ke na le nnete. Le a bona? Ka fao nako yeo ge A etla tlase kua, O—O bile le yena, Sakeo o ile le Yena.

128 Barathomia wa sefofu wa go tšofala e bile sefofu go tloga a sa le mošemane yo monnyane. Ka fao o ile a gopola gore Jesu a ka tla ntle ka kgoro yeo, gomme o be a letile. Ka morago ga lebaka a kwa lešata le lentši, gomme yo mongwe le yo mongwe a etla kgauswi.

129 Gomme o kwele moprista a re, “Hei! Hei, wena, wena o yago godimo ga thaba kua! Ao—ao—ao. . . Re kwa gore O tsoša bahu. Re na le serapa sohle sa mabitla se tletše bona godimo mo. Ge O le Mesia, ge O le Mesia, etla godimo mo gomme o tsoše bahu ba.”

130 Le a tseba, diabololo yo a swanago o sa phela, le a bona, ka sebopego sa bodumedi, tsela ye e swanago. Le bona?

131 “Ge O le Mesia, re. . . O tsoša bahu; re na le serapa sa mabitla se tletše bona godimo mo. Etla.” Gomme, oo, yo mongwe le yo mongwe o a goelela. Yo mongwe a goa, “Hosiana go Moporofeta!” Yo mongwe a goa *se, sela*, goba se *sengwe*. A tlhakahlakano ye bjalo!

132 Monna yo wa mokgalabje wa sefofu o ile a gopola, “Oo, ke Mo fošitše. O tlile ntle tlase kua, gomme ke gopotše gore O tla tla mo. Ke beilwe lefelong la go fošagala.” Gomme o ile a goelela. A gopola, “Ge A le Lentšu, Ke Modimo; O swanetše go ba.” Ka fao, “O Jesu, Wena Morwa wa Dafida, eba le kgaugelo go nna!” Ka go iri yeo ya tlalelo, o biditše.

133 Bjale Jesu, ge o ka e swaya mo, o be a le ka Jeriko. Mo ba rilego o be a dutše, o be a le dijarata tše leggolo le masometlhano go tloga mo Jesu a bego a le gona. Le batho ba dikete ba kitima go Mo dikologa, O be a ka se kgone go kwa sello sa monna yola. Aowa. Eupša O ikwetše sona. O ile a ema.

134 Ke nyaka go rera, bjo botee bja mašego a: “Gomme ka gona Jesu a ema.” Oo! “Gomme ka gona Jesu a inama.” Oo!

135 Eupša ge Jesu a eme, e be e le eng? O ile a mmitša. “Mong o tlile. O se ke wa lapa,” gwa bolela barutiwa, “O a go bitša. O a go bitša.” A mmiletša ntle go tšwa lešabeng lela.

O dira selo sa go swana bjale. A e nwelela ka gare? Le a bona?

136 “Mong o tlile gomme o go biditše.” Gomme O bitša go tšwa—go tšwa bofofung go ya seetšeng, go tšwa leswiswing go ya seetšeng. Gomme O ile a mmitša, go feta lehung go ya Bophelong. “Mong o tlile gomme O a go bitša.” Gomme ge A mmiditše, O mo file pono ya gagwe morago.

137 Mosadi yo monnyane ka bothata bja madi, nako ye nngwe, godimo ka thabeng, o be a šomišitše ka moka tšhelete ya gagwe,

ka dingaka. O be ntle le go kamaka a rekišitše se—se sehlopha. Ba be ba rekišitše po—po polasa, ba e dirile mokitlana. Ba be ba šomišitše ka moka ba bego ba se kgona ka dingaka, ga go le yo motee wa bona a mo dirilego botse bjo bo itšego. O be kgafetšakgafetša a befabefi le go befabefi. Madi ga se a ke a ema. Kgafetšakgafetša, pele le pele ke ge a e ya, o ile a ya botebotebong le botebotebong.

¹³⁸ Gomme letšatši le lengwe, ge a sa dutše kua a loga, bogodimo godimo ga thaba go tloga moo a bego a dula, o ile a lebelela tlase ka moeding, gomme a bona sekepe se etla ka gare. Yo mongwe le yo mongwe o ile a thoma go kitima, “Hosiana go Moporofeta!”

¹³⁹ O be a kwele ka Yena. Tumelo e tla ka go kwa. Bjale o rile, “Ke tla ya tlase gomme ke Mo lebelele.”

¹⁴⁰ Gomme ge a sepeletše tlase kua, gomme la mathomo o bone Lentšu la Modimo le bonagaditšwe ka nameng, fao go be go le selo se sengwe ka polelo ya Gagwe le ditebelelo tša Gagwe, gore a tsebe gore e be e le Yena. Ee, mohlomphegi. “Oo, ge nka no kgona go goga šedi ya Gagwe ka tsela ye nngwe, ge nka no Mo kgwatha ka mokgwa wo mongwe!” Gomme a thelela go kgabola lešaba gomme a kgwatha seaparo sa Gagwe.

¹⁴¹ Bjale elelwang, e be e se monwana wa gagwe A o kwelego. Aowa, mohlomphegi, ka gore seaparo sa Mopalasetena se lekelela se lokologile. Gomme O . . . ba- . . .

Ka gona Petro o rile, “Yo mongwe le yo mongwe o Go kgwathile.”

¹⁴² O rile, “Eupša ye ke kgwatho ya go fapana. Ke a bona gore Ke ba wa go fokola.”

¹⁴³ Jesu o tlile. Tšhelete ya gagwe e be e ile, se sengwe le se sengwe se be se ile; eupša ka iring yeo ya leswiswi ge madi a be a sa eme, gomme dingaka di sa kgone go a emiša, Jesu o tlile. Gomme O dirile eng? O mmiditše. O lebeletše go dikologa go fihla A mo hweditše, gomme O rile, “O be a na le bothata bja madi, eupša a eme.”

¹⁴⁴ “O a swana maabane, lehono, le go ya go ile.” “Mong o tlile gomme O a go bitša. O tlile gomme A bitša.” O mmileditše morago go pholo.

¹⁴⁵ Mosadi yo monnyane sedibeng, yo re boletšego ka yena bošego bja go feta, ka moka dikholofelo di be di ile. Mohlomongwe, mohlomongwe monna wa gagwe wa bohano o be a mo tlogetše, gomme o ile a no tšea wa boselela bošego bjoo, gomme o—o be a le ka go kamakeng mo gonnyane ka yena. Ka maitshwaro, o be a ile. O be a nyaka go ba mohumagadi wa nnete; yena, ntle le go kamaka, o be a bala Beibele.

¹⁴⁶ Gomme o be a eya kua, a eya godimo e ka ba ka iri ya lesometee. O be a sa kgone go tla ka pela ka mosong ge basadi ba go loka ba be ba etla. Gomme ba be ba rwala meetse a bona

godimo ga hlogo tša bona, le meeta, gomme ba eya morago tlase. Gomme ka fao o be a sa kgone go tla, a hlakane le bona. Ba, be ba na le kgethologanyo ya seo ka letšatšing leo, botse le go fošagala di be di sa hlakane mmogo. Ba go hloka maitshwaro ba be ba dula ka lefelong la bona, ka fao o be a sa kgone go tla le bohle ba bona. Ba be ba sa mo dumelele go tla. Ka fao ka morago ga ge yo mongwe le yo mongwe ba bile le meetse a bona gomme ba ile morago. . . O tletše se Šekaonekaone kudu.

¹⁴⁷ Gomme ka gona o tlile godimo le pitša ye godimo ga hlogo ya gagwe, ntle le go kamaka o be a eya mmogo, a nagana, “Bjale, monna yo ke mo nyetšego, goba, ke mo swerego bošego bja go feta, ke a mo kamaka. Ke monna, o dira ka mokgwa wa go segiša. Ke—ke no se tsebe ka yena. Ga ke na le sebaka. Ke ntšhitšwe setšhabeng. Gomme ga ke kgone go ya dikerekeng tšeo, ga ba. . . E no ba lebelela! Ga ke tsebe gore nka dira eng. Ke tlalelong. Gomme ke be ke bala Beibele; nnete, letšatši le lengwe, Moporofeta yola o tla tla lefelong la tiragalo. Bjale ke a tseba ba tleleima gore ga go selo se se bjalo, gomme, se se bjalo, ‘Mohlomongwe lekgolo la mengwaga go tloga, le sekete sa mengwaga. Re be re e lebeletše lebaka la dikete tša mengwaga, gomme ga se ya ke ya direga le bjale, bjale ga re sa e lebeletše bjale.’ Se sengwe le se sengwe se bjalo, ‘Oo, aowa, re na le dikereke le dilo. Ga re nyake selo se sebjalo bjale.’” Ka fao nako yeo o be a eya mmogo kua, a nagana.

¹⁴⁸ Le a tseba, ge o nagana ka Yena, ke nako ye A tšwelelago go wena. Go swana le ge re bile bošego bja go feta, ge ba be ba le tseleng ya bona go ya Emause.

¹⁴⁹ Ge a be a gopola ka dilo tšeo, o kwele Monna a re, “Ntlišetše seno.”

¹⁵⁰ Go reng ka yona? Ka diiring tša gagwe tša leswiswiswiwi kudu, ge maitshwaro a gagwe a be a ile. Mohlomongwe mohumagadi yo monnyane yo mobotse, o ile a išwa seterateng go phela bjoo. Nako ye nngwe ga se phošo ya mosetsana yo monnyane, ke phošo ya batswadi ba gagwe, go mo tlogela a ya ntle ka mokgwa woo. Gomme o be a le fao, mohlomongwe dikhele tša gagwe tše nnyane ka moka di lekeletše fase; o be a gamotšwe, a eya mmogo, a lapile, gomme ga go motho a bego a na le eng kapa eng go dira le yena, ngwana, gomme mohlomongwe ke setori se segolo morago ga yona.

¹⁵¹ Ka mokgwa wo mongwe, ke tseba selo se tee, o be a badile Beibele, gomme o be a dumela Beibele. Gomme fao go be go le peu ye nnyane e robetše tlase ka pelong ya gagwe, e re, “Ge e ka tsoge ya direga, ke tla e tseba.” O be a kgethetšwepele go seo.

¹⁵² Lebelelang Judase wa go tšofala o be a eme kua gomme a dira go swana le ge a dirile. E be e le mo go so tlase bokafase ga pelo ya gagwe. Seetša se be se phadima godimo mo ka mešomong ya gagwe, eupša tlase ka pelong ya gagwe o be a sa Le dumele.

Gomme o be a le mo. . . Le a bona, Seetša se be se sa kgone go fihla tlase go yeo. Eupša o be a le mo, a dumela, o be a Le dumela, eupša bophelo bja gagwe bo be bo fifaditšwe ntle; ge Seetša se rathile, Se tšeetše boso ntle. Eupša ge Seetša se rathile godimo mo, Se fifaditše ka moka gohle. Yeo ke phapano.

¹⁵³ Le a bona, o be a tswaletšwe morero woo. O, o rile, ge A mmoditše gore ke banna ba bakae a bego a na le bona, o. . . Go diregile eng? O bile le ka moka gatee go swana le go thantshelwa. O ile a tsena ka tlalelong. O rile, “Mohlomphegi, ke a bona gore O Moporofeta. Ke a tseba gore ge Mesia a etla, O tla dira dilo tše.”

¹⁵⁴ Nako yeo O ile a mmitša. Nako yeo O ile a mmitša. “Ke nna Yena, Yo a boelago le wena.” O e lemogile ka Lentšu la Modimo. O mmoditše go tšwa dibeng tša gagwe, go ya Bophelong. Gomme leina la gagwe le ka Beibeleng, gomme o na le Bophelo bjo bo sa hwego lehono.

¹⁵⁵ A ka kgona go go bitša ka tsela ye e swanago, ka gore O a swana maabane, lehono, le go ya go ile. Mo. . .

¹⁵⁶ Ya, maitshwaro a gagwe a be a ile, eupša go le bjalo o be a tseba gore O bile le go hlatha mola. O tsebile gore yoo e be e swanetše go ba Mesia. Nako yeo ge Jesu a rile, “Ke nna Yena, Ke nna Yena,” o tsebile e be e le yona.

¹⁵⁷ Nako ye nngwe barutiwa ba be ba le ntle sekepeng, ka moka dikholofelo di be di ile. Madimo, ba be ba ile ba tloga ntle le Jesu, gomme madimo a be a no—a no swana le ka fao a bego a le ka ntlony ya Latsaro. Ka moka dikholofelo di be di ile. Sekepe se sennyane sa kgale se be se bipetšwe ka meetse. Gomme ba be ba goeella le go lla, gomme mohlomongwe ba rapela le go ya pele, gomme legadima le gadima, gomme sekepe se tladitšwe ka meetse, dikota tša diseila di wetše fase, dikota tša go hudua di robegile, gomme ba be ba swarane seng mongwe go yo mongwe, ba lla.

¹⁵⁸ Gomme ka go iri yela ya leswiswiswi la nnete, ka gona Jesu a tla a sepela mmogo. Eupša O be a lebega bjalo ka morithi go bona. O be a lebega go boifiša, bjalo ka moya, gomme ba llela ntle ka poifo.

¹⁵⁹ Yeo ke ye e lego taba lehono. Jesu o tla ka iring ya gago ya leswiswi, gomme o a Le boifa. Ga o tsebe gore Ke eng.

¹⁶⁰ Ba be ba sa tsebe se A bego a le sona. Ba rile, “Oo, ke moya!” Ba be ba goeela.

¹⁶¹ Gomme ka gona O ile a ba bitša, a re, “Se boifeng, ke Nna.” Ka go leswiswiswi kudu la iri, Jesu o tla mmogo, Thušo ya bona. Ye ke tsela ye ka mehla A dirago, o tla ka iring ya leswiswiswi kudu. Ka gona Jesu o tlile gomme a iponagatša ka Boyena, gomme a tla go bona.

Petro o rile, “Ge e le Wena, nthere ke tle godimo ga meetse.”

Jesu o rile, “Etle godimo.”

162 Le a tseba eng, bagwera? Ka pela O tla tlela bao ka go matšatši a a mafelelo. Bjale, a ga go makatše gore kereke e tsene ka go iri ye ya leswiswi gape?

163 Ke ya go bolela selo se sengwe mo. Yona ga se thuto. Ke no porofeta. A le tseba se se diregilego? Go ya go tla lefelong, ka pela, šetšang lentšu la ka, gore ka moka dikereke tša maina di ya go swanela ke go tšoenā Khantshele ya Mohlakanelwa. Ge di sa dire, di ka se be le thekgo ya Khantshele. Ka fao, go tla ba le kiletšo, gomme ga go yo mongwe a ka kgonago go ya go dikereke tše, goba go ya go dikereke tše dingwe; ntle le ge o na le leswao go tšwa go kereke ya gago mong, o ka se kgone go reka goba go rekiša. O e bona feela ka fao e bego e le, ka fao e ya go ba gape, leswao go sebata. Gomme kereke, ba lemoga seo, batho ba semoya.

164 Gomme lena batho ba Pentecostal, go le bjalo, le a e lemoga. Le thoma go ikwela yona. Ge dikereke tša lena, ye mentši ya mekgatlo ya Pentecostal; gomme ga ka swanela go bitša maina a lena, eupša le a tseba thwi bjale di a—di tla ka go yona. Di šetše di hlatsetše gore di be di le. Gomme ge le dira seo, a le ya go swanelwa ke go dira eng? Le ya go swanela ke go loba thuto ya lena ya Boebangedi ya kolobetšo ya Moya wo Mokgethwa. Le ya go swanelwa ke go loba thuto ya lena ya Beibele.

165 Gomme maloko ga ba ye go e emela. Ba nnete ba go tswalwa gape Bakriste ba tla hwa, pele. Ba sebiditšwe ke Lentšu. Ba a tseba selo se se a tla. Ee, mohlomphegi.

166 Gomme a ga go makatše? Gomme thwi ka ye ya leswiswiswiswi kudu iri, ka gona Jesu o tla mmogo gomme o a ba bitša, o rile, “Le se ke la tšhošwa. Ke Nna. Ke sa na le lena. Ke mo go bonagatša Lentšu la Ka.” Bjalo ka ge A bile nako yeo, ka fao Yena o bjalo bjale. O boletše O tla dira seo. Oo, nna! Mong o tlile gomme o re biditše.

167 Batho ba bantši ba go babja mo, ntle le go kamaka, gore ba dutše mo, gomme ngaka o go boditše gore fao ga go—ga go kholofelo go wena. O ka no ba o le go iri ya gago ya leswiswiswiswi kudu, eupša, eelwa, Mong o tlile le go go bitša.

168 Gomme letšatši le lengwe, letšatši le lengwe, Mong o ya go tla le go bitša leina le lengwe le lengwe le le ngwadilwego ka Pukung ya Bophelo ya Kwana. Ge a lena a se fao, le bee godimo kua bjale, ka gore O ya go tla le go bitša. Le bao ba lego ka mabitleng ba tla kwa Lentšu la Gagwe gomme ba tla pele Bophelong. Mong o tla tla gomme a go bitša. Gomme ge A sa bitša lehono, araba gomme o dire ditokišo tša Letšatši leo, ke keletšo ya ka go wena.

169 Tshepišo ya lebaka le, O tshepišitše gore O tla ba mo. Dilo tše A di dirilego, O tla di dira gape, gomme bjale gape Mong o tlile gomme o a go bitša.

170 A re inamišeng dihlogo tša rena. Ke na le e ka ba matlakala a tshela go fetiša mo, eupša nka—nka se kgone go ya go ao bjale.

A re inamišeng dihlogo tša rena. Ke tshepišitše go le dira le tšwe ka pela, gomme e šetše e le kotara ka morago.

¹⁷¹ Tate wa Legodimong, O Morena, a e direge gape. Ka moka dilo tše ke di boletšego, “Jesu o tlile gomme o a go bitša.” O dira eng ge A etla? O a bitša. Gomme a e direge gape, Morena. A nke Moya wo Mokgethwa o tle magareng ga batho bošego bjo, Morena Jesu ka sebopego sa—sa Moya. A nke a tle bošego bjo gomme a ikutolle Boyena, gomme ka gona a bonagatše Boyena. Go swana le batho bale, ka fao ba dumetšego, re tla dumela, le rena, Morena. Go ba bantši mo, mohlomongwe, ba ba sego ba ke ba ba le sebakabotse se. Re a rapela gore O tla se fa go bona gape bošego bjo. Ka gore re se kgopela bakeng sa letago la Modimo, ka go la Jesu Leina. Amene.

¹⁷² Yeo ke yona, kgaetšedi, eupša e no ya pele le yeo. Seo se gabotse. Eya thwi pele. Oo, homolang ka nnete, yo mongwe le yo mongwe.

¹⁷³ A le a dumela gore O tlile? O dirile. A O sa bitša ge A etla? Bjale ge feela le ka dumela. Ge le ka no dumela Lentšu la Modimo, Modimo o tla e fa.

¹⁷⁴ Bjale lebelelang, ga ke na le nako ya go bitša mothalo wa thapelo godimo mo. Ke ya go ba bitša bošego bjo, ntle kua, ge Morena a rata. Mong o tlile. O tlile go phethagatša Lentšu la Gagwe ka letšatšing la mafelelo. Gomme se A bego a le sona nako yeo, Ke sona lehono. Se ponagatšo goba boitsebišo bja Gagwe e bego e le sona nako yeo, ke sona lehono, ka gore O sa le Lentšu la Modimo. A le dumela seo? [Phuthego e re, “Amene.”—Mor.] Gomme Lentšu la Modimo ke molekodi wa megopolo, maikemišetšo a pelo. Gomme tsela ye A dirilego nako yeo, ke ka tsela ye ka mehla A dirilego. O sa swana. Ge A ka dira seo feela bjale, a le ka Mo dumela? A se ka le dira le Mo dumele?

¹⁷⁵ Lena batho ntle kua bjale, a ke lebeleleng pele le go bona ge fao go le mang kapa mang yo ke mo tsebago, a dutšego kae kapa kae ka mo, yo ke mo tsebago.

¹⁷⁶ Ka moka ba ba lego tikologong, godimo *mo*, ba ba sa ntsebe, emišetšang diatla tša lena godimo; yo a tsebago gore ga ke tsebe selo ka wena, gomme o a babja, emišetša diatla tša gago godimo. Ke a thanka, yo mongwe le yo mongwe. Ka moka gabotse, bjale, o a dumela. O no dumela ka pelo ya gago ka moka. O se ke wa kamaka. Eba le tumelo. Dumela Modimo.

¹⁷⁷ Ke ya go le kgopela go homola ka nnete, dulang. Le se ke la šišinyega go dikologa bjale, ka kgopelo le se ke. Le a bona? Le a bona? Ke lena so—so soulo, mmele, le moya. Gomme moya wa gago . . . Gomme Moya wo Mokgethwa o boi ka nnete.

¹⁷⁸ Ke ba bakae ba elelwago, mengwaga ye mentši ya go feta, gore Moya wo Mokgethwa, ge ke etla ntle mo gomme ke le boditše? Ge ke tšea batho ka seatla, O mpoeditše gore ditekolo tše di tla tla, gomme ka gona le go ya pele? Le a e elelwa, elelwa seo?

Eupša O rile, “Ge o ka dira batho gore ba go dumele.” Le elelwa wona matšatši, mengwaga ye mentši ya go feta? [Phuthego e re, “Amene.”—Mor.] Le swanetše go dumela.

¹⁷⁹ Ke bone monna, ke a dumela e be e le tlase mo ka kopanong ye nngwe, a dutše thwi kua. Gomme Moya wo Mokgethwa . . . Ke be ke mo hlokometše ge ke be ke rera. E be e le monna wa segole. O be a na le dikotelo ka fase ga matsogo a gagwe. Gomme feela ge ke thoma go dira pitšo, Sathane a tla go monna, morithi wo moso. Gomme ke ile ka o bogela ka mahlo a ka mong. O ile a emela godimo gomme a sepelela ka ntle. Ka mehla o tla dula a golofetše, le a bona. Gomme ka fao, a, mo a ka bego a fodišitšwe thwi fao ge a ka be a no—a no . . . Le a bona? Eupša, feela, ga ke tsebe gore ka baka la eng. Ke a thanka o nno theetša lenaba. Eupša ge o ka ema le go hlokomela merithi yeo, wa bona dilo tšeo ka dibopego, ka tsela ye di lego, le go di hlokomela ka fao di dirago. Le a bona, e tla ba . . .

¹⁸⁰ Bjale, ga ke kgone go fodiša. Monna yo a go botšago gore o kgona go go fodiša, o phošo. O šetše o fodišitšwe. Eupša, ke go lemoga Bogona bja Jesu Kriste. Bjale ge Mareta a tsebile gore ge a be a ka kgona go Mmona gape, gore o be a tla hwetša kganyogo ya gagwe, ka gore O be a le Lentšu le le bonagaditšwego, a re ka se dumele bontši bošego bjo, go le dumela? Nnete, re swanetše go dira. O tlile. O tlile, O tlile ka sebopego sa Moya wo Mokgethwa. Yo ke Yo A lego yena. Bjale o no rapela.

¹⁸¹ Le a bona, godimo mo, ge ke be ke na le yo mongwe a eme mo, thwi mo kgauswi le nna, a no—a no rapela; go bona batho ba bantši ka mokgwa wo ba rapela, ke ka moka gohle ka moagong. O swanetše go no e hlokomela. O ka se kgone go bolela, “Wa re, Ngwanešu Branham . . .” Aowa, mohlomphegi. Nka—nka se kgone go e dira, go no feta ge o ka se kgone go ntorela toro. Le a bona? O ka no lora. O, Modimo a ka no kgona go go dira o lore toro ka nna, o dumela seo, eupša o ka se kgone go e dira ka bowena. O ka se kgone go bolela, gore, “Ngwanešu Branham, ke ya go lora toro ka wena bjale.” Aowa, o ka se kgone go dira seo. Le bile nka se kgone go bona pono. E ka ba mang a fago toro go wena, yoo ke yo motee a swanetšego go e dira. Tsela ye e swanago ka pono.

¹⁸² Ke bone monna a dutše thwi mo ka mafelelong a mothalo, ka athiraitise. Ge a ka dumela ka pelo ya gagwe ka moka, Modimo o tla mo fodiša athiraitise. A o a dumela gore O tla e dira, mohlomphegi? O dutše ntle kua, monna wa Momexican, o dutše bofelong bja mothalo, a o tla e dumela? Ka moka gabotse, mohlomphegi.

¹⁸³ Mohumagadi a dutšego kgauswi le wena, le yena o na le athiraitisi, le yena. A o a dumela gore Modimo o tla go fodiša, mohumagadi? (A wo o na le mmalewaneng go wona? Ke a boifa batho ga ba o kwe.) O tla dira? Ka moka gabotse.

184 Goreng ka mohumagadi yo mongwe yo monnyane wa Momexican kgauswi le yena? O tlaišega ka bothata bja teng. A o a dumela gore Modimo o tla fodiša teng ya gago, mohumagadi?

185 O na le yona. Ge ke bona Seetša sela se ya fase, go ra gore e diregile. Ya. Yeo ke yona. Se mo rathile. Se be se le kua, se rarela thwi go dikologa. . . [Lefelo la go se be le selo godimo ga theipi—Mor.] . . seo se a e dira. Le a bona? Ge A ka kgona go hwetša tumelo! Le a bona, “Dilo tše ntši Ga a kgone go di dira ka baka la go se dumele ga bona.”

186 Mohumagadi šo o dutše mo o a rapela, thwi mo. O tšhošitšwe. O swanetše go ba. O na le leemo la kankere, le lebe ka nnete. Ga ke go tsebe, eupša Modimo o a go tseba. A o a dumela gore Modimo a ka kgona go mpotša ka kankere ye, goba selo se sengwe gape? Ntebelele. Fao go ba bantši kua ba ba rapelago, le a bona, ke se ke e bolelelago sona. Re lebelele. Bjale, ee, ga o tšwe mo, le ga se legae la gago. O tšwa lefelong le le bitšwago Porterville, California. Yeo ke therešo. A o a dumela gore Modimo a ka kgona go mpotša gore o mang? O a tseba. Leina la gago o Mdi. Wintham. Yeo ke therešo. Bjale dumela, gomme kankere e tla go tlogela. Ge o ka kgona go dumela! Seo ke ka moka Modimo a go kgopelago go se dira. Ge o ka kgona go dumela!

187 A ga o dumele seo ka pelo ya gago ka moka? Yo mongwe ka karolong ye ka *mo*, a le ka se kgone go dumela? Mong o tlile gomme a go bitša. O go bitša go tšwa lehung go ya Bophelong, go tloga bolwetšing go ya go foleng.

188 Monna šo o dutše thwi morago mo, hlogo fase, o a rapela. Gabotse nnete ga a rapelele yena mong, o rapela ka yo mongwe gape. Ke mo—mo mosetsana. Ke morwediagwe. A o a dumela, mohlomphegi? O na le bothata ka maoto a gago. O na le bothata ka letolo la gago. Yeo ke therešo. Ga go bohlokwa bja go lla, yoo ke Yena fao kgauswi le wena. Morwediago o ka sepetlele, a ga a gona? Molato wa bolwetši bja mafahla. O a dumela. A o a dumela? Mong o tlile gomme o a mmitša. A o tla dumela, bjalo ka tatagwe? O tla dira? A nke A mo etele bošego bjo, le wena. A nke e fele.

189 Mošemane yo monnyane šo, mošemane yo monnyane wa sefahle go se se porawene. O tlaišega ka bolwetši bja letlalo, le asema, mošemane yo monnyane wa Momexican, mošemane wa Momexican a dutšego kua. Ga a tšwe mo. O tšwa San Jose. A o a dumela, morwa? Selo se sengwe, tatago o mo le wena. Ke modiredi. Yeo ke therešo. A o a dumela gore Modimo a ka kgona go mpotša gore leina la gago ke mang? A seo se ka go dira gore o dumele go tia ka nnete? Leina la gago ke Reuben. Bjale dumela. Uh-hum. Modimo o tla go dira ka moka gabotse.

190 Mong o tlile gomme O a go bitša. Oo, modiradibe, oo, motho wa go babja, a ga o bone Mong a bonagatšwa ka go batho, gare ga badumedi? O tlile go biletša bana ba Gagwe ba ba dumelago

go ya go fola. O tlile go bitša modiradibe go sokologa. Mokgelogi, leloko la kereke, Mong o tlile gomme o a go bitša.

¹⁹¹ A o a e dumela? A o e dumelela senyakwa sa gago thwi bjale? Ge o dira, emišetša seatla sa gago godimo, e re, “Ke dumela bakeng sa senyakwa sa ka.” Gona emelela ka maoto a gago bjale gomme o e amoge. Mong o tlile gomme o a go bitša. Gomme mang kapa mang o lego yena, senyakwa sefe kapa sefe o nago le sona, Mong o tlile gomme O a go bitša. O a swana maabane, lehono, le go ya go ile.

¹⁹² Mosadi yo monnyane o ile ka toropongkgolo, gomme a re, “Etlang, bonang Monna Yo a mpoditšego se se bego se fošagetšego.” Ga se wa ya ka toropongkgolo. O tlile gomme o e bone, ka bowena, ka fao Mong o tlile gomme o a go bitša.

¹⁹³ Emišetša diatla tša gago godimo gomme o Mo tumiše, gomme e re, “Morena Jesu, ke nna modiradibe; ntebalele. Ke nna mokgelogi; ntšee morago, Morena. Ke nyaka Moya wo Mokgethwa; ntlatše. Ke a babja; mphodiše. Ke golofetše; ntire ke be gabotse.” Mong o tlile gomme o a go bitša. Emišetša diatla tša gago godimo bjale gomme Mo fe tumišo. Amene.

¹⁹⁴ (Re fe tšhune ye nnyane mo, “Ke tla Mo tumiša, ke tla Mo tumiša.” Le a tseba? *Ke tla Mo tumiša*. Le a e tseba yeo, a ga le?)

A le a dumela?

Ke tla Mo tumiša, ke tla Mo tumiša,
Oo, tumišang Kwana ye e bolaetšwego
badiradibe;
Mo fe letago, ka moka lena batho.
Ka gore Madi a Gagwe a hlatswitše go tloša
patso ye nngwe le ye nngwe.

¹⁹⁵ A le a Mo rata? Bjale a ga le rate go Mo opelela ge A sa le mo? Ke Moya wo o sepelago go dikologa go kgabola moago. O tseba dipelo tša lena, o tseba ka moka ka lena. A re Mo opeleleng yona, ka pelo ya rena ka moka.

Ke tla Mo tumiša, (emišang diatla tša lena ge le
e dira), Ke . . . (bjale e nong go Mo tumiša). . .
Mo tumišeng.
Oo, tumišang Kwana ye e bolaetšwego
modiradibe;
Oo, Mo feng letago, ka moka lena batho,
Ka gore Madi a Gagwe a hlatswitše go tloša
patso ye nngwe le ye nngwe.

¹⁹⁶ Oo, mohumagadi, wena ka setulong sa bagolofadi, ge o ka no dumela gannyane go fetiša thwi fao. “Ke . . .” A re e lekeng gatee gape. Ke letetše selo se sengwe.

Ke tla Mo tumiša, ke tla Mo tumiša,
 Oo, tumišang Kwana ye e bolaetšwego
 badiradibe;
 Mo fe letago, ka moka lena batho.
 Ka gore Madi a Gagwe a hlatswitše go tloša
 patso ye nngwe le ye nngwe.

¹⁹⁷ Bjale ge re sa opela yeo gape, retologela go dikologa, swara seatla sa yo mongwe, ge re sa e opela, opelang, “Ke tla Mo tumiša.” Etlang pele, ka moka mmogo bjale.

Ke tla Mo tumiša, ke tla Mo tumiša,
 Tumišang Kwana ye e bolaetšwego badiradibe;
 Mo fe letago, ka moka lena batho.
 Ka gore Madi a Gagwe a hlatswitše go tloša
 patso ye nngwe le ye nngwe.

¹⁹⁸ Oo, mogwera modiradibe, a o ka se sepelele godimo mo bjale? Etlang godimo gomme le Mo fe tumišo, ka moka lena batho. Ka moka lena batho ba ba nyakago go Mmolela bjalo ka Mophološi. Ka Bogoneng bja Gagwe, ge bakgethwa ba rapela ka Moya, a le ka se tle mo gomme la ema? La re, “Ke nyaka go paka, bošego bjo. Ke nyaka go Mo fa tumišo. Ke nyaka go tla. Ga ke lewe ke dihlong ka Yena. Ke nyaka lefase le tseba gore ke a Mo amogela bjalo ka Mophološi wa ka, thwi mo ge A sa le gona.” Etlang ge re sa e opela.

Ke tla Mo tumiša, (a o ka se tle?) ke tla Mo
 tumiša,
 Oo, tumišang Kwana ye e bolaetšwego
 badiradibe;
 Oo, Mo fe letago, ka moka lena batho,
 Ka gore Madi a Gagwe a hlatswitše go tloša
 patso ye nngwe le ye nngwe.

¹⁹⁹ Oo, yeo ke yona, mohumagadi, etla thwi godimo. Ke mang gape a tlogo go tla, ka Bogoneng bja Kriste? Etlha thwi godimo mo, kgaetšedi, ema mo.

²⁰⁰ Batho ba bangwe ba ba Mo nyakago go ba Mophološi wa lena, thwi bjale, ba ba se nago dihlong. O rile, “Ge o Ntšelwa ke hlong pele ga motho, Ke tla go jelwa ke hlong pele ga Tate wa Ka le Barongwa ba ba kgethwa.” Ge o sa Mo jelwe ke dihlong bjale, gomme o Mo nyakela go ba Mophološi wa gago, ge A sa le mo! Le Mmone. Le phethagetše kudu, Lentšu ka Boyena le Le dira go tsebja. Etlang godimo ge bakgethwa ba sa rapela bjale. A le ka se tle godimo?

²⁰¹ Modimo a go šegofatše, mohlomphegi. Mo go tla mohumagadi wa go tšofala, o tla go lebaka la nnete. A le ka se tle bjale?

Ke tla . . . (e opeleng bjale) . . . Ke tla tumiša . . .

202 Yeo ke therešo, setšhaba se seswa, etlang thwi godimo go dikologa. E nong go tumiša. Modimo a go šegofatše, mohumagadi, yeo ke tsela ya go e dira. Modimo a le šegofatše, baswa batee.

...bolaetšwe badiradibe;
Mo feng letago, ka moka lena batho,
Ka gore Madi a Gagwe a hlatswitše go tloša
patso ye nngwe le ye nngwe.

203 Ge badiredi ba eya go batho ba bjale a yo mongwe gape a ka se tle? Mokgelogi, a o tla tla, wa re, “Ke lewa ke dihlong ka bophelo bja ka?” Yena Šo. A le ntumela go ba mohlanka wa Modimo? Emišang diatla tša lena. Ka baka la eng, Jesu Kriste o ka magareng ga rena. A o ka se tle?

Mo feng letago... (A le ka se tle, Mo feng
letago?)... batho,
Ka gore Madi a Gagwe a hlatswitše go tloša...

204 Mareta, a o a tla, goba a o ya go dula ka ntlong le Maria? A o ya go dula morago ka mokgatlong wo mongwe, gomme wa re, “Oo, kereke ya ka ga e Le dumele ka tsela ye,” ge Kriste a dirwa go bonagala? A o ya go dula morago gomme o bolele seo, goba a o tla ka ntle? “Go lokile, ke tla go botša, ge ke...” Aowa. Lehono, ye ke iri. Lehu le lekeletše go go dikologa, bjalo ka morwedi wa Jairo.

205 Etle bjale! Mokgelogi, etla bjale. Modiradibe, etla bjale. Ye ke nako. Mong o tlile gomme O a go bitša. O a go bitša. O re, “Ke tseba bjang?” O šomiša lentšu la ka. Ge A šomiša lentšu la ka go bolela malwetši, le ditlaišego le dilo, a ga le tsebe gore O bitša gape sebe. Tšwelang ntle! Etlang bjale, se e ka no ba sebakabotse sa mafelelo o ka tsogego wa ba naso.

206 Gatee gape, go na le bontši ka mo ba ba swanetšego go tla, bagwera. Ga ke nyake go le leša dihlong, go le biletša ntle ka mogwa wo. Seo ga se gabotse. Ge nako ye nngwe o ka mohlomongwe... Bona Bafarasei ba gopotše gore ba be ba phološitšwe, eupša ba be ba se ba. O nagana selo sa go swana. Etle bjale.

207 Eba le nnete! O se ke, o se ke wa no leka mahlatse tsela seripa godimo ga yona. Ge fao go le go kamaka mo gonnyane ka monaganong wa gago, o se ke wa leka mahlatse. E tla godimo bjale. Bjale ke nako, bjale ge Mothopo o sa bulegile, ge Moya wo Mokgethwa o sa le mo. Mong o tlile. Go kamaka mo go nnyane mola, ke se A lekago go go botša, “O a kamaka.” E gafe godimo. Etle godimo, bjale. Mong o tlile gomme o a go bitša. Yeo ke therešo, e no tšwela pele o etla, e no tšwela pele thwi o etla godimo.

Ke tla Mo tumiša, ke tla Mo tumiša, (A o ka se
tle wa Mo fa tumišo?)

Tumišang Kwana ye e bolaetšwego badiradibe;
Mo fe letago, ka moka lena batho.

Ka gore Madi a Gagwe a hlatswitše go tloša
patso ye nngwe le ye nngwe.

²⁰⁸ Bjale ge badiradibe ba sa tla, go Mo tleleima; a batho ba Mo
fe tumišo, ge re e opela bjale. Godimo ka diatla tša lena, opelang,
gomme Mo tumišeng, ka moka mmogo.

Ke tla Mo tumiša, ke tla Mo tumiša,
Tumišang Kwana ye e bolaetšwego badiradibe!

²⁰⁹ E nong go Mo fa tumišo! Lena batho go dikologa mo,
rapelang, Mo kgopeleng gore a le lebalele. Seo ke se A tlogo go se
dira. Mong o tlile gomme o a go bitša. Modimo a le šegofatše. 🐦

KA GONA JESU O TLILE GOMME A BITŠA NST64-0213
(Then Jesus Came And Called)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Febereware 13, 1964, ka Otithoriamong ya Elliott ka Tulare, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org